

李長吉集

冊二

圖書在版編目(CIP)數據

李長吉集 / (唐)李賀著; (明)黃淳耀評; (清)黎簡批點. —上海: 上海古籍出版社, 2015. 1
ISBN 978-7-5325-7464-3

I. ①李… II. ①李… ②黃… ③黎… III. ①唐詩—詩集 IV. ①I222.742

中國版本圖書館 CIP 數據核字(2014)第 257939 號

ISBN 978-7-5325-7464-3



李長吉集(全二冊)

〔唐〕李賀著

〔明〕黃淳耀評

〔清〕黎簡批點

出版

上海世紀出版股份有限公司

上海古籍出版社

(上海瑞金二路二七二號 郵政編碼 200020)

(一) 網址: www.guji.com.cn

(二) E-mail: guji1@guji.com.cn

(三) 易文網網址: www.ewen.co

發行 上海世紀出版股份有限公司發行中心

印刷 杭州蕭山古籍印務有限公司

開本 700毫米 乘 一三八〇毫米 六分之一

印張 二六

印數 一—一〇〇〇

版次 二〇一五年一月第一版

二〇一五年一月第一次印刷

書號 ISBN 978-7-5325-7464-3/I·2878

定價 貳佰捌拾元

李長吉集卷三

黃陶菴先生評本

黎二樵先生批點

追和何謝銅雀伎

佳人一壺酒。秋容滿千里。石馬卧新煙。憂來何所似。
歌舞且潜弄。陵樹風自起。長裾壓高臺。淚眼看花机。

送秦光祿北征

北霧膠堪折。秋沙亂曉輦。髯胡頻犯塞。騎氣似橫霓。
灞水樓船渡。營門細柳開。將軍馳白馬。豪彥騁雄材。

箭射撓槍落旗懸。日月低榆稀。山易見。甲重馬頻嘶。
天遠星光沒。沙平草葉齊。風吹雲路火。雪污玉關泥。
屢斷呼韓頌。曾燃董卓臍。太常猶舊寵。光祿是新辭。
寶玦麒麟起。銀壺狒狒啼。桃花連馬發。綵絮撲鞍來。
呵臂懸金斗。當脣注玉壘。清蘇和碎蟻。紫膩卷浮盃。
虎韞先蒙馬。魚腸且斷犀。趁趨西旅狗。感頌北方奚。
守帳燃香幕。看鷹永夜栖。黃龍就別鏡。青塚念陽臺。
周處長橋役。侯調短弄哀。錢塘階鳳羽。正室擘鸞釵。
內子攀琪樹。羌兒奏落梅。今朝擎劒去。何日刺蛟迴。

酬答二首

金魚公子夾衫長，密裊腰鞵割玉方。
行處春風隨馬尾，柳花偏打內家香。

似言公子佩內家之香而柳花偏打之即蝶蟻也解尋好處意

雍州二月梅池春，御水鵝鵲暖白蘋。
試問酒旗歌板地，今朝誰是拗花人。

畫角東城

河轉曙蕭蕭，鵝飛睥睨高。
帆長標越甸，壁冷掛吳刀。
淡菜生寒日，鮐魚溼白濤。
水花霑抹額，旗鼓夜迎潮。

謝秀才有妾縞練改從於人，秀才引留之不得

後生感憶坐人製詩嘲謝賀復繼四首

誰知泥憶雲。望斷梨花春。荷絲製機練。竹葉剪花裙。
月明啼阿姊。燈暗會良人也。識君夫婿。金魚掛在身。
銅鏡立青鸞。燕脂拂紫綿。腮花弄暗粉。眼尾淚侵寒。
碧玉破不復。瑤琴重撥絃。今日非昔日。何人敢正看。
洞房思不禁。蜂子作花心。灰暖殘香炷。髮冷青蟲簪。
夜遙燈燄短。睡熟小屏深。好作鴛鴦夢。南城罷擣砧。
尋常輕宋玉。今日嫁文鵲。戟幹橫龍簾。刀環倚桂牕。
邀人裁半袖。端坐據胡牀。淚濕紅輪重。棲鳥上井梁。

〇二〇句言〇不〇相〇憐〇之〇狀〇

後花游曲云煙濕愁車重則此紅輪當
是車輪耶別淚能重車淚之多可知矣

昌谷讀書示巴童

蟲響燈光薄宵寒藥氣濃君憐垂翅客辛苦尚相從

巴童答

巨鼻宜山褐龐眉入苦吟非君唱樂府誰識怨秋深

代崔家送客

行蓋柳煙下馬蹄白翩翩恐隨送霞盡何忍重揚鞭

出城

雪下桂花稀啼鳥被彈歸關水乘驢影秦風帽帶垂

試萬里難解一作誠可重
意萬字古作万可誠試重
里字形相似故誤書耳

三之三

入鄉試萬里。無印自堪悲。卿卿忍相問。鏡中雙淚姿。

莫種樹

園中莫種樹。種樹四時愁。獨睡南牀月。今秋似去秋。

將發

東牀卷席罷。護落將行去。秋白遙遙空。日滿門前路。

追賦畫江潭苑四首

吳苑曉蒼蒼。宮衣水。濺黃。小鬟紅粉薄。騎馬珮珠長。
露拍臺城迴。羅熏袴褶香。行雲沾翠輦。今日似襄王。
寶袜菊衣單。蕉花密露寒。水光蘭澤葉。帶重剪刀錢。

角暖盤弓易靴長。上馬難。淚痕霑寢帳。勻粉照金鞍。
剪翅小鷹斜。縮根玉鏃花。鞦垂妝鈿粟。箭簾釘文牙。
鶯鶯啼深竹。鷓鴣老濕沙。官官燒蠟火。飛燼污鉛華。
十騎簇芙蓉。宮衣小隊紅。練香燼宋鵲。尋箭踏盧龍。
旗濕金鈴重。霜乾玉鐙空。今朝畫眉早。不待景陽鐘。

。潞州張大宅病酒遇江使寄上十四兄

秋至昭關後。當知趙國寒。繫書隨短羽。寫恨破長戩。
病客眠清曉。疏桐墜綠鮮。城鴉啼粉堞。軍吹壓蘆煙。
岸幘褰紗幌。枯塘卧折蓮。木牕銀跡畫。

篇中無修語
蓋指楊跡

石。磴。水。痕。錢。旅。酒。侵。愁。肺。離。歌。繞。懦。絃。詩。封。兩。條。淚。
露。折。一。枝。蘭。莎。老。沙。雞。泣。松。乾。瓦。獸。殘。覺。騎。燕。地。馬。
夢。載。楚。溪。船。椒。桂。傾。長。席。鱸。魴。斫。玳。筵。豈。能。忘。舊。路。
江。島。滯。佳。年。

難忘曲

夾道開洞門。弱楊低畫戟。簾影竹華起。簫聲吹日色。
蜂語繞妝鏡。拂蛾學春碧。亂繫丁香梢。滿欄花向夕。

賈公閣貴冑曲

朝。衣。不。須。長。分。花。對。袍。縫。嚶。嚶。白。馬。來。滿。腦。黃。金。重。

今朝香氣苦。珊瑚澀難枕。且要弄風人。暖蒲沙上飲。
燕語踏簾鉤。日虹屏中碧。潘令在河陽。無人死芳色。

不著題一語自是妙

夜飲朝眠曲

觴酣出座東方高。腰橫半解星勞勞。柳花鴉啼公主
醉。薄露壓花蕙園氣。玉轉濕絲牽曉水。熟粉生香琅
玕紫。夜飲朝眠斷無事。楚羅之幃卧皇子。

篇中但言朝眠而夜飲自見

王濟墓下作

人間無阿童、猶唱水中龍、白草侵煙死、秋梨遠地紅、
古書平黑石、神劍斷青銅、耕勢魚鱗起、墳科馬鬣封、
菊花垂濕露、棘徑卧乾蓬、松柏愁香澀、南原幾夜風、

客遊

悲滿千里心、日暖南山石、不謁承明廬、老作平原客、
四時別家廟、三年去鄉國、旅歌屢彈鋏、歸問時裂帛、

崇義里滯雨

落漠誰家子、來感長安秋、壯年抱羈恨、夢泣生白頭、
瘦馬秣敗草、雨沫飄寒溝、南宮古簾暗、濕景傳籤籌、

家山遠千里。雲脚天東頭。憂眠枕劒匣。客帳夢封侯。

馮小憐

灣頭見小憐。請上琵琶絃。破得春風恨。今朝值幾錢。
裙垂竹葉帶。鬢濕杏花煙。玉冷紅絲重。齊宮妾駕鞭。

贈陳商

長安有男兒。二十心已朽。楞伽堆案前。楚辭繫肘後。
人生有窮拙。日暮聊飲酒。祇今道已塞。何必須白首。
淒淒陳述聖。披褐鉏耒豆。學為堯舜文。時人責衰偶。
柴門車轍凍。日下榆影瘦。黃昏訪我來。苦節青陽皺。

太華五千仞、劈地抽森秀、旁若無寸尋、一上夏牛斗、
公卿縱不憐、甯能鎖吾口、即仰高山之意。李生師太華、大坐看白晝、
逢霜作檣、檣得氣為春柳、禮節乃相去、顛顛如芻狗、
此句不承上二句、另言去禮節而任顛顛也。風雪直齊壇、墨組貫銅綬、臣
妾氣態間、唯欲承箕帚、天眼何時開、古劍庸一吼、

釣魚詩

秋水釣紅渠、仙人待素書、菱絲紫獨繭、蒲米蟄雙魚、
斜竹垂清沼、長綸貫碧虛、餌懸春蜥蜴、鉤墜小蟾蜍、
詹子情無限、龍陽恨有餘、為看煙浦上、楚女淚霑裾、

奉和二兄罷使遣馬歸延州

空留三尺劍、不用一丸泥。馬向沙場去、人歸故國來。
笛愁翻隴水、酒喜漚春灰。錦帶休驚雁、羅衣尚鬪雞。
還吳已渺渺、入郢莫淒淒。自是桃李樹、何畏不成蹊。

。 答贈

本是張公子、曾名萼綠華。沈香熏小像、楊柳伴啼鴉。
露重金泥冷、盃闌玉樹斜。琴堂沽酒客、新買後園花。

。 題趙生壁

大婦燃竹根、中婦春玉屑。冬暖拾松枝、日煙坐蒙滅。

木。蘚。青。桐。老。石。井。水。聲。發。曝。背。卧。東。亭。桃。花。滿。肌。骨。

感春

日。暖。自。蕭。條。花。悲。北。郭。騷。榆。穿。菜。子。眼。柳。斷。舞。兒。腰。
上。幕。迎。神。燕。飛。絲。送。百。勞。胡。琴。今。日。恨。急。語。向。檀。槽。

仙人

彈。琴。石。壁。上。翻。翻。一。仙。人。手。持。白。鸞。尾。夜。歸。南。山。雲。
鹿。飲。寒。澗。下。魚。歸。清。海。濱。當。時。漢。武。帝。書。報。桃。花。春。

河陽歌

染。羅。衣。秋。藍。難。著。色。不。是。無。心。人。為。作。臺。邛。客。花。燒。

中潭城顏郎身已老。惜許兩少年。抽心似春草。今日
見銀牌。今夜鳴玉譙。牛頭高一尺。隔坐應相見。月從
東方來。酒從東方轉。觥船飲口紅。蜜炬千枝爛。

花遊曲

并序

寒食諸王妓遊賀入座因採梁簡文詩調賦
花遊曲與妓彈唱

春柳南陌態。冷花寒露姿。今朝醉城外。拂鏡濃埽眉。
煙濕愁車重。紅油覆畫衣。舞裙香不暖。酒色上來遲。
春晝。